

Harga RON95, RON97 turun

RON95 turun empat sen seliter kepada RM2.04, RON97 turun tujuh sen seliter kepada RM2.34

PUTRAJAYA

Harga runcit petrol RON95 turun sebanyak empat sen seliter kepada RM2.04, RON97 turun sebanyak tujuh sen seliter kepada RM2.34 dan harga runcit diesel juga turun 10 sen kepada RM2.08 seliter.

Harga runcit produk petroleum tersebut adalah untuk tempoh hari ini sehingga 14 Februari, demikian diumumkan Menteri Kewangan, Lim Guan Eng pada sidang media di sini semalam.



Guan Eng (kiri) dan Saifuddin pada sidang media di Kementerian Kewangan, Putrajaya semalam.

Turut hadir, Menteri Perdagangan Dalam Negeri dan Hal Ehwal Pengguna, Datuk Seri Saifuddin Nasution Ismail.

Guan Eng berkata, penuru-

nan harga runcit itu disebabkan penurunan harga minyak global.

"Harga RON95 sebanyak RM2.04 seliter dan diesel sebanyak RM2.08 seliter ini menun-

jurkan penurunan yang besar daripada minggu lepas untuk harga runcit produk petrol RON95 yang berada pada RM2.11 seliter (tetapi disekat pada had runcit RM2.08 seliter) dan diesel yang berada pada paras RM2.18 seliter," katanya.

Menurutnya, kerajaan komited dengan dasar penstabilan harga runcit produk petroleum selaras dengan janji manifesto Pakatan Harapan (PH) dan telah melaksanakan penetapan harga runcit secara mingguan dengan had harga tidak melebihi RM2.08 seliter untuk RON95 dan RM2.18 seliter bagi diesel.

"Ia akan membolehkan pengguna menikmati sebarang perubahan harga secara lebih cepat selaras dengan penurunan harga runcit produk petroleum di pasaran dunia dan sebaliknya dilindungi daripada sebarang kenaikan harga melebihi

RM2.08 seliter untuk RON95 dan RM2.18 seliter bagi diesel.

"Subsidi produk petroleum dan gas petroleum cecair (LPG) yang dibiayai kerajaan adalah sebanyak RM6 bilion pada tahun lepas," katanya.

Ditanya adakah penurunan harga produk petroleum tersebut turut mempengaruhi pakej rangsangan ekonomi yang bakal diumumkan, Guan Eng berkata, perkara itu akan dinilai bagi impak sepanjang tahun.

"Apabila kita sebut pakej rangsangan ekonomi, apa yang kita pentingkan adalah untuk memastikan pertumbuhan terus mampan dan dapat dikekalkan," katanya.

Ditanya sama ada harga siling petrol akan dikaji semula kerana trend yang menurun ketika ini, Guan Eng berkata, harga siling itu telah berada pada paras yang rendah. - Bernama

HARI	..	SABTU
TARIKH	..	8/2/2020
M/SURAT	..	12